

TLHAGISA MAIKUTLO

Taletso ya ditlhagisa ka setšhaba

Molaotlhomo wa Tokafatso ya Tlhabololo ya Didiriswa tsa Peteroliamo [B13B-2021]

S76

Komitikgetho ya Ntšhwafatso ya Lefatshe, Tikologo, Didiriswa tsa Diminerale le Eneji e laletsa batho ba ba nang le kgatlhego mmogo le baamegi go romela ditshwaelo tse di kwadilweng ka ga Molaotlhomo wa Tokafatso ya Tlhabololo ya Didiriswa tsa Peteroliamo [B13B-2021] S76.

Molaotlhomo o batla go neelana ka tlhabololo e e rulaganeng ya didiriswa tsa peteroliamo; go neelana ka phitlhelelo e e lekalekanang go, le tlhabololo e e tsweletseng ya didiriswa tsa peteroliamo go setšhaba; go letlelela botsayakarolo ka matlhagatlhaga jwa Puso le bathobantsho go tlhabololo ya didiriswa tsa peteroliamo tsa setšhaba; go neelana ka tshwanelo ya peteroliamo e e lomaganyang tshwanelo go utolola le go tlhagisa; go letlelela tsamaiso ya go bona data ya jeo-thekeniki ya peteroliamo; go neelana ka tsamaiso ya tsenyotirisong e e laolwang ka makga a laesense; go tlhama tikologo e e kgontshang itlhaganediso ya utololo le tlhagiso ya didiriswa tsa peteroliamo tsa setšhaba; go letlelela phitlhelelo ka motho yo mongwe go mafaratlhatalha a peteroliamo; go neela motshola tshwanelo ya peteroliamo tetla go rekisetsa Puso poresente ya peteroliamo ka ditlhokego tsa togamaano ya thoto; go baya khampani ya beng puso jaaka setheo se se rweleng maikarabelo go laola kgatlhegelo ya Puso ya ditshwanelo tsa peteroliamo; go neelana la tsweletso ya ditlhabololo tsa bosetšhaba tsa botlhokwa tsa khampani ya beng puso ka go tlhabolola didiriswa tsa peteroliamo; go letlelela motshola tshwanelo ya peteroliamo go tshwara kemo ya yona ya natlafatso morago ga go tswa ga batho bantsho mo tlase ga maemo a a lekanyeditsweng; go neelana ka diteng tsa selegae jaaka togamaano ya tlhabololo go kgontsha tlhabololo ya dikgono, thapo ya selegae le botsayakarolo jwa setšhaba ka go neelana ka dithoto le ditirelo; go tlhoma Ejensi ya Peteroliamo ya Aforika Borwa jaaka bolaodi jwa melao ya lephata la tlhabololo ya peteroliamo; le go neelana ka dintlha tse di golaganang.

Dipotso, mmogo le ditlhagiso tse di kwadilweng, di romelwa go Rre Asgar A Bawa, Modulasetilo wa Komitikgetho ya Ntšhwafatso ya Lefatshe, Tikologo, Didiriswa tsa Diminerale le Eneji ka imeile go abawa@parliament.gov.za

Letlha la bofelo la dtlhagiso ke Labobedi, 30 Ferikgong 2024.

Dikhophi tsa Molaotlhomo di bonwa go tswa go Rre A Bawa go mosokelwatseneng 083 709 8530 kgotsa go www.parliament.gov.za.

E rebotswe ke Moh Ms TC Modise, MP, Modulasetilo wa Komitikgetho ya Ntšhwafatso ya Lefatshe, Tikologo, Didiriswa tsa Diminerale le Eneji